



XUNTA DE GALICIA

ELECCIÓN AO PARLAMENTO DE GALICIA 2020

**INSTRUCCIÓN ECONÓMICO-ADMINISTRATIVAS
PARA OS/AS DELEGADOS/AS DAS XUNTAS ELECTORAIS DE
ZONA (SECRETARIOS/AS DOS CONCELLOS)**

Aprobado por Acordo do Consello da Xunta de Galicia



ÍNDICE

INTRODUCCIÓN.....	4
INSTRUCCIÓN	6
GRATIFICACIÓN E INDEMNIZACIÓN	7
GRATIFICACIÓN AOS/ÁS DELEGADOS/AS DAS XUNTAS ELECTORAIS DE ZONA	7
RETRIBUCIÓN AO PERSOAL COLABORADOR DOS CONCELLOS EN TAREFAS ADMINISTRATIVAS.....	8
INDEMNIZACIÓN POR GASTOS DE VIAXE	8
GASTOS RELACIONADOS COS COLEXIOS ELECTORAIS	10
ACONDICIONAMENTO DE LOCAIS ELECTORAIS	10
ADECUACIÓN DOS LOCAIS ONDE SE SITUEN OS COLEXIOS ELECTORAIS.....	10
SINALIZACIÓN DOS LOCAIS CORRESPONDENTES A CADA SECCIÓN E MESA ELECTORAL..	11
ADECUACIÓN RELATIVA AO VOTO ACCESIBLE PARA PERSOAS CON DISCAPACIDADES VISUAIS	11
MONTAXE, DESMONTAXE E TRANSPORTE DE URNAS E CABINAS	11
INDEMNIZACIÓN AOS MEMBROS DAS MESAS ELECTORAIS	12
INDEMNIZACIÓN AOS MEMBROS DAS MESAS ELECTORAIS	12
INDEMNIZACIÓN POR DESPRAZAMENTO DO/A PRESIDENTE/A DA MESA ELECTORAL AO XULGADO DE PRIMEIRA INSTANCIA OU DE PAZ	12
TRANSPORTE INSTITUCIONAL.....	13
IMPRESOS	14
IMPRESOS QUE VAN RECIBIR OS CONCELLOS	15
IMPRESOS RELACIONADOS COA FORMACIÓN DAS MESAS ELECTORAIS.....	15
IMPRESOS RELACIONADOS COA SINALIZACIÓN DOS LOCAIS CORRESPONDENTES A CADA SECCIÓN E MESA ELECTORAL	16
IMPRESOS RELACIONADOS COA SINALIZACIÓN DO TRANSPORTE INSTITUCIONAL	16
OUTROS IMPRESOS ELECTORAIS QUE VAN RECIBIR OS CONCELLOS.....	17
ANEXOS	19



INTRODUCCIÓN

A convocatoria de eleccións ao Parlamento de Galicia require dun importante esforzo técnico-administrativo que permita afrontar con garantías o desenvolvemento da totalidade do proceso no seu conxunto, tanto nas fases previas, nas posteriores, como, primordialmente, no día de realización do sufraxio. A complexidade das actuacións incrementábase pola necesidade de coordinar adecuadamente, nun prazo de tempo moi limitado, a participación no proceso de elementos pertencentes a distintas administracións públicas.

Neste sentido, a Vicepresidencia e Consellería de Presidencia da Xunta de Galicia ten atribuída a organización e coordinación dos procesos electorais en que sexa competente a Comunidade Autónoma de Galicia.

Consonte co preceptuado nos artigos 13.2 e 22.2 da Lei orgánica 5/1985, do 19 de xuño, do réxime electoral xeral (LOREX) e artigos concordantes da Lei 8/1985, do 13 de agosto, de eleccións ao Parlamento de Galicia, a Xunta de Galicia ten que poñer á disposición das xuntas electorais os medios persoais e materiais necesarios para o exercicio das súas funcións e, así mesmo, ten que fixar as axudas de custo e gratificacións correspondentes aos membros das xuntas electorais e ao persoal ao seu servizo. Os/as secretarios/as dos concellos, tal como sinala o artigo 11.4 da LOREX, son os/as delegados/as das xuntas electorais de zona.

Con base na normativa citada no parágrafo anterior, o Decreto 13/2020, do 10 de febreiro, establece as normas sobre os medios materiais que se utilizarán nas eleccións ao Parlamento de Galicia de 2020 e o Decreto 14/2020, do 10 de febreiro, fixa as gratificacións e indemnizacións que percibirán os membros da Administración electoral en Galicia e o persoal ao seu servizo, así como os xuíces de primeira instancia ou de paz, representantes da Administración da comunidade autónoma nas mesas electorais, así como o persoal da Xunta de Galicia, co gallo das eleccións ao Parlamento de Galicia de 2020.

Por todo o anterior, a Xunta de Galicia acorda a través do Consello de Goberno a necesidade de elaborar un marco no que se regulen de maneira detallada:

- O procedemento de aboamento das gratificacións e das indemnizacións aos/ás delegados/as das xuntas electorais de zona (secretarios/as dos concellos).
- O procedemento para remunerar os servizos extraordinarios prestados polo persoal colaborador dos concellos.



- O procedemento para sufragar os gastos en relación cos colexios electorais.
- As instrucións relativas ao transporte institucional o día da xornada electoral.
- As datas de entrega dos impresos que vai recibir ese concello.

Polas razóns expostas, o procedemento que se configura pretende acadar, ademais de establecer os máximos niveis de coordinación entre esa Xunta electoral, o concello correspondente e esta consellería, que a dotación dos medios anteriormente mencionados sexa efectuada o antes posible, para evitar posibles prexuízos que repercutan no correcto funcionamento do proceso.

É por todo isto, e desde esta responsabilidade, polo que se elaboraron as presentes **instrucións** co obxectivo último de acadar unha mellor coordinación entre esa Administración electoral e esta Administración autonómica e que permita que, unha vez iniciado o proceso electoral este se desenvolva con total e absoluta normalidade.

Santiago de Compostela, 10 de febreiro de 2020

O vicepresidente e conselleiro de Presidencia, Administracións Públicas e Xustiza

Alfonso Rueda Valenzuela



XUNTA DE GALICIA

INSTRUCCIÓN



GRATIFICACIÓNS E INDEMNIZACIÓNS

O Decreto 14/2020, do 10 de febreiro, polo que se fixan as gratificacións e indemnizacións que percibirán os membros da Administración electoral en Galicia e o persoal ao seu servizo, así como os xuíces de primeira instancia ou de paz, representantes da Administración da comunidade autónoma nas mesas electorais, así como o persoal da Xunta de Galicia, co gallo das eleccións ao Parlamento de Galicia de 2020, determina as cantidades que deben ser aboadas aos delegados das xuntas electorais de zona así como ao persoal colaborador ao seu servizo polo desempeño das súas funcións durante o proceso de eleccións ao Parlamento de Galicia de 2020.

GRATIFICACIÓNS AOS/ÁS DELEGADOS/AS DAS XUNTAS ELECTORAIS DE ZONA

Os/As secretarios/as dos concellos, pola súa condición de delegados/as das xuntas electorais de zona, percibirán unhas cantidades fixas, que virán determinadas polo número total de mesas electorais que efectivamente se constitúan no municipio ou municipios nos que actúen como tales, con independencia da súa natureza de agrupados ou acumulados con relación ao/á titular da secretaría. Os importes que se deberán aboar aos/ás delegados/as das xuntas electorais de zona serán os seguintes:

Núm. de mesas electorais	Importe
Non superior a 10 mesas	807,50 €
Entre 11 e 50 mesas	902,50 €
Superior a 50 mesas	1.045,00 €

O dereito á percepción das gratificacións anteriores enténdese referido á totalidade do proceso electoral autonómico. No suposto de que se permaneza no cargo por un tempo inferior, terá dereito a unha cantidade proporcional á permanencia no proceso.

No suposto de que o/a titular dunha secretaría sexa adscrito a un novo concello durante a realización do proceso electoral autonómico, percibirá, no seu caso, ademais, a diferenza que lle corresponda co xa percibido, se o concello de destino está comprendido nun tramo distinto ao de orixe.



Para poder realizar o aboamento das anteriores gratificacións é preciso remitir á Secretaría xeral técnica da Vicepresidencia e Consellería de Presidencia, Administracións Públicas e Xustiza unha solicitude de transferencia de acordo co modelo que figura como Anexo I, a través da aplicación informática que se habilite a tal efecto. O aboamento destas gratificacións realizarase unha vez acreditado o seu dereito a percibilas pola súa totalidade ou ben pola parte proporcional que corresponda, unha vez rematado o proceso electoral.

RETRIBUCIÓNS AO PERSOAL COLABORADOR DOS CONCELLOS EN TAREFAS ADMINISTRATIVAS

Para remunerar os servizos extraordinarios prestados polo persoal colaborador dos concellos en tarefas administrativas, asignarase, con carácter limitativo, a cantidade de 39,90 euros por cada mesa electoral efectivamente constituída no respectivo municipio.

Para os efectos do correspondente aboamento destes servizos, os/as secretarios/as de cada un dos concellos expedirán un certificado (utilizando o modelo do Anexo II) indicando que os servizos prestados foron realizados, con carácter voluntario, fóra da xornada habitual de traballo, e que deberá ser remitido á Secretaría xeral técnica da Vicepresidencia e Consellería de Presidencia, Administracións Públicas e Xustiza, a través da aplicación informática que se habilite a tal efecto, xunto co Anexo III debidamente cuberto para cada un dos perceptores. No caso de que estes documentos non se asinen mediante sinatura electrónica, deberá facerse chegar á dita Secretaría xeral técnica os documentos en formato papel, sen prexuízo de que sexan enviados os documentos escaneados, en formato dixital, a través da aplicación informática indicada.

INDEMNIZACIÓNS POR GASTOS DE VIAXE

Cando os/as secretarios/as dos concellos teñan que desprazarse fóra do municipio da súa residencia habitual, para acudir á xunta electoral de zona correspondente, seranlles aboados integramente os gastos de transporte e, se utilizasen o seu vehículo particular, aboaráselles cada quilómetro percorrido a razón de 0,19 euros.

Se no desprazamento se fixese todo ou parte do percorrido por autoestrada de peaxe, será indemnizable o gasto da peaxe, que se deberá acreditar coa presentación do xustificante que



XUNTA DE GALICIA

verifique a súa realización. Igual consideración terán os gastos de aparcamento que sexa necesario sufragar para acudir á xunta electoral de zona correspondente.

Para xustificar esta indemnización deberase remitir á Secretaría xeral técnica da Vicepresidencia e Consellería de Presidencia, Administracións Públicas e Xustiza o Anexo IV desta Instrución, a través da aplicación informática deseñada a tal efecto. No caso de que este documentos non se asine mediante sinatura electrónica, deberá facerse chegar á dita Secretaría xeral técnica o documento en formato papel, sen prexuízo de que sexa enviado o documento escaneado, en formato dixital, a través da aplicación informática indicada. Igualmente, deberán facerse chegar os xustificantes do pagamento pola utilización de autoestrada de peaxe e aparcamento que fose necesario aboar.



GASTOS RELACIONADOS COS COLEXIOS ELECTORAIS

O Decreto 13/2020, do 10 de febreiro, polo que se establecen as normas sobre os medios materiais que se utilizarán nas eleccións ao Parlamento de Galicia de 2020, constitúe o marco que regula as condicións necesarias que deben reunir tanto os locais electorais como as urnas e cabinas que se van utilizar no vindeiro proceso electoral autonómico.

ACONDICIONAMENTO DE LOCAIS ELECTORAIS

De conformidade co establecido no artigo 24.1 e 24.2 da Lei orgánica, 5/1985, do 19 de xuño, do réxime electoral xeral, as delegacións provinciais da oficina do censo electoral publicarán, no boletín oficial da súa provincia, o sexto día posterior á convocatoria, os locais electorais que se utilizarán nestes comicios autonómicos.

Neste senso e ao abeiro do disposto no Decreto 13/2020, do 10 de febreiro, os locais que se utilizarán nas eleccións ao Parlamento de Galicia, reunirán as condicións necesarias para o seu fin, estarán perfectamente sinalizados no referente a seccións e mesas, serán preferentemente de titularidade pública e de carácter docente, cultural ou recreativo, e deberán ser accesibles ás persoas con limitacións de mobilidade.

É por isto que, co obxecto de dar obrigado cumprimento ao preceptuado na normativa autonómica e evitar calquera tipo de incidencia que puidese perturbar o normal e correcto desenvolvemento da xornada electoral, será necesario que desde os concellos se proceda á:

ADECUACIÓN DOS LOCAIS ONDE SE SITÚEN OS COLEXIOS ELECTORAIS

Para a realización deste labor, os concellos dispoñerán, con carácter limitativo, de 36,00 euros por cada unha das mesas electorais que efectivamente se constitúan no municipio.

Para o aboamento das cantidades devengadas por este concepto, procederase conforme ao establecido no apartado referido ao persoal colaborador dos concellos (Anexos II e III debidamente cubertos), a través da aplicación informática deseñada a tal efecto.



SINALIZACIÓN DOS LOCAIS CORRESPONDENTES A CADA SECCIÓN E MESA ELECTORAL

Para a realización deste labor, os concellos disporán dos medios materiais necesarios (carteis para a identificación exterior das mesas e frechas) que lles serán debidamente subministrados.

ADECUACIÓN RELATIVA AO VOTO ACCESIBLE PARA PERSOAS CON DISCAPACIDADES VISUAIS

Co gallo das vindeiras eleccións autonómicas utilizarase o proceso de voto para persoas con discapacidades visuais recollido no Real decreto 1612/2007, do 7 de decembro, polo que se regula un procedemento de voto accesible que facilita ás persoas con discapacidade visual o exercicio do dereito ao voto (BOE núm. 294, do 8 de decembro de 2007).

No caso de que algún/algunha elector/a do seu concello opte por utilizar este sistema de votación, comunicarse con antelación dabondo ao seu concello a necesidade de habilitar un espazo concreto e accesible nos locais electorais que garanta a privacidade para a manipulación da documentación por parte destes electores. A situación deste espazo debe ser próxima á mesa electoral. (Artigo 7 do Real decreto 1612/2007).

MONTAXE, DESMONTAXE E TRANSPORTE DE URNAS E CABINAS

O Decreto 13/2020, do 10 de febreiro, polo que se establecen as normas sobre os medios materiais que se utilizarán nas eleccións ao Parlamento de Galicia de 2020, determina nos seus artigos 2 e 3 as medidas a adoptar en relación coas urnas e cabinas para garantir a súa correcta posta a disposición e entrega.

Para a realización deste labor, os concellos dispoñerán, con carácter limitativo, de 43,20 euros por cada unha das mesas electorais que efectivamente se constitúan no municipio.

Para o aboamento das cantidades devengadas por este concepto procederase conforme ao establecido no apartado referido ao persoal colaborador dos concellos (Anexos II e III debidamente cubertos), a través da aplicación informática deseñada a tal efecto.



INDEMNIZACIÓNS AOS MEMBROS DAS MESAS ELECTORAIS

INDEMNIZACIÓNS AOS MEMBROS DAS MESAS ELECTORAIS

O Decreto 14/2020, do 10 de febreiro, determina no seu artigo 4º, que quen sexa nomeado/a para o cargo de presidente/a ou vogal das mesas electorais percibirá 65,00 euros en concepto de indemnización.

Neste caso, e tal e como reflicte a norma autonómica, so terán dereito á indemnización arriba mencionada aqueles que teñan a condición de titulares, e os suplentes unicamente cando adquiran tal condición. Así mesmo, o dereito a ela será no seu importe íntegro, con independencia do tempo da xornada electoral no que se estivese desempeñando o cargo.

Por outro lado e ao abeiro do disposto no artigo 7 do Real decreto 605/1999, do 16 de abril, de regulación complementaria dos procesos electorais, a Xunta de Galicia faise cargo da cotización correspondente á cobertura de riscos dos/das presidentes/as, dos/das vogais e os seus/súas suplentes nas mesas electorais fronte ás continxencias e situacións que poidan derivarse da súa participación nas eleccións ao Parlamento de Galicia de 2020.

INDEMNIZACIÓN POR DESPRAZAMENTO DO/A PRESIDENTE/A DA MESA ELECTORAL AO XULGADO DE PRIMEIRA INSTANCIA OU DE PAZ

Co obxecto de facilitar o cumprimento do preceptuado no artigo 101.1 da Lei orgánica 5/1985, de 19 de xuño, do réxime electoral xeral, cada un dos/das presidentes das mesas electorais que teñen a obriga de entregar a documentación electoral pertinente na sede do xulgado de primeira instancia ou de paz, dentro da demarcación onde se atope a súa mesa, percibirán 8,00 euros en concepto de indemnización por desprazamento.

A cantidade fixada no parágrafo anterior corre a cargo da Xunta de Galicia, sen menoscabo da obriga que pesa sobre a forza pública de facilitar o desprazamento destas persoas e que se atopa establecida no citado precepto.



TRANSPORTE INSTITUCIONAL

No caso de que a Xunta de Galicia tomase a decisión de poñer en marcha un sistema de transporte electoral gratuíto para os asentamentos de núcleos de poboación alonxados, resulta imprescindible que o comunique antes do 13 de marzo á Secretaría xeral técnica da Vicepresidencia e da Consellería de Presidencia, Administracións Públicas e Xustiza.

Como base referencial, teranse en conta os mesmos itinerarios de anteriores eleccións e, en todo caso, deberán fundamentarse en criterios de máximo rigor orzamentario, para utilizar en todos os casos as mínimas unidades posibles.

A través de bando, o concello dará a coñecer os itinerarios do transporte institucional para información de toda a cidadanía. O dito bando conterá os itinerarios, horarios, empresa encargada do transporte institucional e demais pormenores deste nos límites dos seus respectivos concellos.

En cumprimento da normativa electoral vixente, todos os medios de transporte que se vaian utilizar deberán ir perfectamente identificados con carteis que levarán o seguinte texto:

Xunta de Galicia

Eleccións ao Parlamento de Galicia 2020

Transporte institucional gratuíto

Estes carteis serán entregados por esta Administración aos concellos en número suficiente.



XUNTA DE GALICIA

IMPRESOS



IMPRESOS QUE VAN RECIBIR OS CONCELLOS

O Decreto 13/2020, do 10 de febreiro, polo que se establecen as normas sobre os medios materiais que se utilizarán nas eleccións ao Parlamento de Galicia de 2020, constitúe o marco regulamentario que regula os impresos electorais que serán de utilización obrigatoria en todos os trámites e operacións nestes comicios autonómicos

IMPRESOS RELACIONADOS COA FORMACIÓN DAS MESAS ELECTORAIS

Consonte ao preceptuado no artigo 26.1 da Lei orgánica 5/1985, do 19 de xuño, do réxime electoral xeral, segundo o cal “a formación das mesas compete aos concellos, baixo a supervisión das xuntas electorais de zona”, a Xunta de Galicia, co obxecto de establecer os máximos niveis de colaboración e entendemento entre o concello e a xunta electoral de zona na que se atopa adscrita, entende necesario incluír neste punto todos os impresos relacionados coa formación das mesas electorais, o que permitirá acadar unha mellor coordinación entre as partes anteriormente mencionadas.

CÓDIGO	DENOMINACIÓN	LUGAR DE ENTREGA	DATA DE ENTREGA
EPG 5.1	Lista de electores capacitados para presidentes e suplentes.	Concellos	05/03/2020
EPG 5.2	Lista de electores capacitados para vogais e suplentes.	Concellos	05/03/2020
EPG 5.3	Comunicación dos concellos á Xunta Electoral de Zona correspondente da formación de mesas electorais.	Concellos	05/03/2020
EPG 5.4	Nomeamento de membros das mesas (impreso múltiple catro follas).	Concellos	05/03/2020
EPG 5.4.a	Comunicación de datos de identificación ao xuíz.	Concellos	05/03/2020
EPG 5.4.b	Comunicación datos identificación. Copia	Concellos	05/03/2020
EPG 5.4.c	Xustificante de recepción do nomeamento polo interesado.	Concellos	05/03/2020
	Manual para membros das mesas.	Concellos	05/03/2020
EPG 5.5	Sobre para a remisión da notificación aos membros das mesas electorais.	Concellos	05/03/2020



CÓDIGO	DENOMINACIÓN	LUGAR DE ENTREGA	DATA DE ENTREGA
EPG 5.6	Comunicación aos xuíces de primeira instancia ou de paz da composición das mesas electorais.	XEZ	05/03/2020
EPG 5.7	Citación definitiva aos membros das mesas electorais.	XEZ	05/03/2020

IMPRESOS RELACIONADOS COA SINALIZACIÓN DOS LOCAIS CORRESPONDENTES A CADA SECCIÓN E MESA ELECTORAL

Tal e como xa se comentou no capítulo anterior e ao abeiro do disposto no Decreto 13/2020, do 10 de febreiro, os locais que se utilizarán nas eleccións ao Parlamento de Galicia, estarán perfectamente sinalizados no referente a seccións e mesas

É por isto que, co obxecto de dar obrigado cumprimento ao preceptuado na normativa autonómica e evitar calquera tipo de incidencia que puidese perturbar o normal e correcto desenvolvemento da xornada electoral, será necesario que desde os concellos se sinalen correctamente os locais correspondentes a cada sección e mesa electoral.

Para levar a cabo esta actuación, os concellos disporán de:

DENOMINACIÓN	DATA DE ENTREGA
Carteis para a identificación exterior das mesas electorais (tamaño grande)	02/04/2020
Carteis para a identificación exterior das mesas electorais (tamaño pequeno)	02/04/2020
Frechas	02/04/2020

IMPRESOS RELACIONADOS COA SINALIZACIÓN DO TRANSPORTE INSTITUCIONAL

No caso de que se tome a decisión de poñer en marcha o servizo, tal e como xa se comentou anteriormente e ao abeiro do disposto na normativa electoral vixente, todos os medios de



transporte que se vaian utilizar no caso de que se tome a decisión de por en marcha o servizo, deberán ir perfectamente identificados con carteis que levarán o seguinte texto:

Xunta de Galicia

Eleccións ao Parlamento de Galicia 2020

Transporte institucional gratuíto

Estes carteis serán entregados aos concellos solicitantes, por esta Administración, na forma e prazo que reflicte o cadro seguinte:

DENOMINACIÓN	LUGAR DE ENTREGA	DATA DE ENTREGA
Carteis para a identificación do transporte institucional.	Concellos	02/04/2020

OUTROS IMPRESOS ELECTORAIS QUE VAN RECIBIR OS CONCELLOS

Co obxecto de acadar os máximos niveis de eficiencia en relación á documentación electoral coa que deberán contar as mesas o día da xornada electoral e previr así mesmo calquera tipo de incidencia que puidese perturbar o seu normal e correcto desenvolvemento, será responsabilidade da empresa correspondente preparar e enviar a documentación abaixo descrita aos/as secretarios/as dos concellos, para que estes/as poidan repartila a cada mesa.

Para isto, a empresa correspondente encargarse de entregar a ese concello, coa suficiente antelación –a data de entrega será a determinada pola directora xeral de Relacións Institucionais e Parlamentarias– unha caixa por cada unha das mesas electorais que efectivamente se constitúan no municipio. A dita caixa, que na súa parte exterior indicará o distrito, a sección e a mesa á que pertence, conterà os seguintes impresos:



CÓDIGO	DENOMINACIÓN	NÚMERO DE IMPRESOS POR MESA
EPG 1.1	Papeletas de votación.	nº aproximado electores mesa x nº partidos circunscripción
EPG 2.1	Sobres para papeletas de votación.	nº electores mesa
EPG 7.1	Acta de constitución da mesa.	3
EPG 7.2	Acta de escrutinio da mesa.	3
EPG 7.3	Acta de sesión da mesa.	3
EPG 7.4	Lista numerada de votantes (primeira folla cuberta).	2
EPG 7.4.a	Lista numerada de votantes (segunda folla e seguintes).	2
EPG 7.5	Sobre nº 1: documentación para entregar no xulgado de primeira instancia ou de paz.	2
EPG 7.6	Sobre nº 2: documentación para entregar no xulgado de primeira instancia ou de paz.	2
EPG 7.7	Sobre nº 3: documentación para entregar ao funcionario do servizo de Correos.	2
EPG 7.8	Recibo do xuíz de primeira instancia ou de paz, xustificativo da entrega dos sobres números 1 e 2.	Formato Dixital
EPG 7.9	Recibo do empregado de correos xustificativo da entrega do sobre número 3.	Formato Dixital
EPG 7.10	Certificado de votación (blocs de 100 follas).	1

Neste senso, a caixa ou caixas que reciba ese concello proveniente da empresa correspondente conterá, ademais da documentación antes descrita, material de escritorio (bolígrafos, lapis...) e un precinto para o caso de ruptura da urna.

Para finalizar, e sen menoscabo de futuras comunicacións entre ese concello do que vostede é secretario/a e esta Administración autonómica, co obxecto de prever as continxencias que aparecen reflectidas no artigo 84.4 da Lei orgánica do réxime electoral xeral, a Xunta de Galicia fará entrega a ese concello dun número suficiente dos impresos electorais arriba descritos que permita evitar calquera tipo de incidencia que puidese perturbar o normal e correcto desenvolvemento da xornada electoral así como garantir á cidadanía o libre exercicio do seu dereito ao voto.



XUNTA DE GALICIA

ANEXOS



ANEXO I: SOLICITUDE DE TRANSFERENCIA

SECRETARIO/A DO/S CONCELLO/S DE _____

NUMERO TOTAL DE MESAS CONSTITUÍDAS¹: _____

D./Dna.		NIF
Enderezo:		
CP:	Localidade:	
Teléfono de contacto:		

INTERESA do habilitado da Consellería de Presidencia, Administracións Públicas e Xustiza da Xunta de Galicia o ingreso das cantidades xeradas, co gallo da realización das eleccións ao Parlamento de Galicia de 2020, mediante unha transferencia á conta que se indica:

DATOS BANCARIOS

TITULAR:																												
IBAN - CÓDIGO CONTA CLIENTE																												

TIPO IRPF A APLICAR:

(Sinatura)

¹ Número total de mesas electorais que efectivamente se constitúan no concello ou concellos nos que actúe como secretario/a.



ANEXO II: CERTIFICACIÓN DE SERVIZOS

D/Dna. _____, secretario/a
do concello de _____

CERTIFICO:

Que o persoal colaborador que se detalla prestou servizos, con carácter voluntario, fóra da súa xornada habitual de traballo, a requirimento desta xunta no proceso de eleccións ao Parlamento de Galicia de 2020, na tarefa que se sinala e nos períodos e polos importes expresados:

TAREFA (marcar segundo proceda)

Administrativas Adecuación de locais Montaxe, desmontaxe e transporte de urnas e cabinas

RELACIÓN DE PERSOAL COLABORADOR

NIF	APELIDOS E NOME	PERÍODO		IMPORTE ÍNTEGRO
		DENDE	ATA	

E para que conste, ante a Xunta de Galicia, para os efectos do seu aboamento asino este certificado en _____ a _____ de _____ de 2020

(Sinatura)

(Vº e Prace)



ANEXO III: DATOS PERSOAIS E BANCARIOS

DATOS PERSOAIS

Apelidos e nome:		NIF
Enderezo:		
CP:	Localidade:	
Teléfono de contacto:		

DATOS BANCARIOS

TITULAR:																																					
IBAN - CÓDIGO CONTA CLIENTE																																					

TIPO IRPF A APLICAR:

En _____, a _____, de _____ de 2020

(sinatura)



ANEXO IV: GASTOS DE VIAXE

D/Dna. _____, compoñente da xunta electoral provincial/de zona de _____, nas eleccións ao Parlamento de Galicia de 2020.

DECLARO que realicei as viaxes que se detallan:

DATA E HORA DE SAÍDA	DATA E HORA DE CHEGADA	LOCALIDADE DE ORIXE	LOCALIDADE DE DESTINO	TOTAL KM PERCORRIDOS

1) Se utiliza vehículo particular:

“Realicei o desprazamento no meu vehículo particular con matrícula _____”

Importe total: 0,19 €/km x _____ km percorridos = _____ euros.

Total peaxe (acompañar xustificantes) = _____ euros.

Total aparcamento (acompañar xustificantes) = _____ euros.

TOTAL desprazamento = _____ euros.

2) Se utiliza taxi (deberá achegar recibo detallado dos servizos realizados):

Importe do/s recibo/s: _____ euros.

_____, a ___, de _____ de 2020

O/A declarante, (Sinatura)

CERTIFICADO

D/Dna. _____, secretario/a da xunta electoral provincial/de zona de _____ CERTIFICO que o/a declarante asistiu á/s reunión/s que esta xunta electoral mantivo o/s día/s _____

_____, a ___, de _____ de 2020